

Tinguttooq

Qallunaatut atia: Brosme, Almindelig


Latiinerisut atia: Brosme brosme

Tuluttut atia: Cusk

Sorlernut ilaava: Aalisakkat

Uumasooqatai: Saarullikkut

Ilaqutai: Saarulliit



Tinguttooq Kalaallit Nunaata kitaani Uummannap/Upernaviup aammalu Tunumi Ammassallup kujataani uumasuuvoq. Immap naqqani ujaralimmi assigiinngitsumilluunniit natilimmi 100-1000 meterit tikillugit itissusilimmiuvoq, nalinginnaanerullunili immami itisuumi sivinganerni kangerlunniluunniit.

Ilisarnaatai

Qaserujuttuuvoq imaluunniit kajortuulluni naavi qaamasuullutik mikisunik tattaqarluni. Avaleraasai avalliit taartuupput qaqortunik sinillit. Qimerluani avaleraasaa itiatalu kingornani avaleraa paperuanut ataannarput. Anngajaamik umiisaqarpoq.

Nerisai

Nerisarai peqqut, uillut, maniilakulattumik amillit aalisakkallu immap natermiut.

Paasisutissat

Uumaffii: Imaq

Takissusia: Nalinginnaasumik 100 cm tikillugu

Oqimaassusia: 15 kg miss. tikillugu

Suai: 2-3 millionit

Suffisarpoq: Apriili-aggusti

Kinguaassiorsinnaalersarpoq: 6-10-nik ukioqaleraangami

Sivisunerpaamik uumasarpoq: Ukiut 40 miss.

Nalunngiliuk?

Tinguttooq nerisassaavoq pitsak pingaaruteqartorlu, kinertumik qaqortumik nerpilik. Nalinginnaasumik ningittakkanik pisarineqartarput, nerpia taamaaliinnarlugu, qeritillugu tarajorlugulu tunineqartarluni. Norgemi ukiumut 30.000 tonsit tikillugit pisarineqartarput.